



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Organi Shqyrtues i Prokurimit (OSHP) Rruga "MIGJENI" (ish-Banka e Ljubljanes) Kati V-të, Prishtinë, Kosovë
Tel: + 383 38 212 309 e-mail: oshp@rks-gov.net

PSh. nr. 37/2023

Në bazë të nenit 105 pika 1 dhe 2 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, dhe nenin 17 sipas procesverbalit të bordit të OSHP-së, të datës 30.09.2022, për Amandamentim të Rregullores nr.01/2020, me numër të protokollit 83/2022, pas shqyrtimit të ankesës së operatorit ekonomik OE "DEINFEKTIMI AD" SHPK Prishtinë, për aktivitetin e prokurimit me titull "Mirëmbajtja Higjienikë e Objekteve të Qendrës së Studenteve" me numër të prokurimit: 1020890500-22-12575-2-1-1, iniciuar nga autoriteti kontraktues (AK) Qendra e Studenteve, Kryetarja e Organit Shqyrtues të Prokurimit Vjosa Gradinaj - Mexhuani me datën: 02.02.2023, mori këtë:

VENDIM

- 1. Hedhet si jo e plotë ankesa** OE "DEINFEKTIMI AD" SHPK Prishtinë e datës 13.01.2023 (protokoll 37/2023), për aktivitetin e prokurimit me titull "Mirëmbajtja Higjienikë e Objekteve të Qendrës së Studenteve" me numër të prokurimit: 1020890500-22-12575-2-1-1, iniciuar nga autoriteti kontraktues (AK) Qendra e Studenteve.
- 2. I lejohet autoritetit kontraktues – Qendra e Studenteve**, që të vazhdoj më tutje me aktivitetin e prokurimit me titull: "Mirëmbajtja Higjienikë e Objekteve të Qendrës së Studenteve" me numër të prokurimit: 1020890500-22-12575-2-1-1, iniciuar nga autoriteti kontraktues (AK) Qendra e Studenteve, përkitazi me këtë ankesë nëse nuk ka ankesë tjetër.

Arsyetim

- Faktet dhe rrethanat procedurale –

Organi Shqyrtues i Prokurimit, respektivisht zyra për pranimin e ankesave në sistemin elektronik të ankesave me datë 13.01.2023, tek rubrika e ankesave ka pranuar një ankesë nga OE “DEINFEKTIMI AD” SHPK Prishtinë, për aktivitetin e prokurimit me titull “Mirëmbajtja Higjienikë e Objekteve të Qendrës së Studenteve” me numër të prokurimit: 1020890500-22-12575-2-1-1, iniciuar nga autoriteti kontraktues (AK) Qendra e Studenteve.

Zyrtarja për të Hyra në OSHP e ka konfirmuar se në llogari të OSHP-së, nuk ka mjete të deponuara nga OE “DEINFEKTIMI AD” SHPK Prishtinë, për ankesën me numër të protokollit 37/2023, të datës: 13.01.2023 sipas formularit të Pagesës për Depozite për Sigurim të Ankesës të ofruar nga OE në fjalë.

Pra sipas verifikimit të kësaj ankese nga zyra e pranimin të ankesave dhe zyrtarja për të hyra vërtetohet, se ankuesi për ankesën në fjalë nuk ka ofruar dëshminë siç kërkohet me piken 10 paragrafi 1 të nenit 111 të LPP-së.

Organi Shqyrtues i Prokurimit në pajtim me paragrafin 4 të nenit 111 të LPP-së, me datën 13.01.2022, e ka njoftuar OE ankues se ankesës së cekur si më lart i ka bashkangjitur formularin standard për sigurim të depozitës por të njëjtës ankesë nuk i ka bashkangjitur konfirmimin e bankës, ku OSHP ka verifikuar llogarinë e saj nga Zyrtarja për të hyra dhe ka rezultuar se për ankesën në fjalë nuk janë deponuar fare mjetet në llogari të OSHP-së, andaj në pajtim me dispozitën e cekur si më lart ju lutem që ta plotësoni ankesën tuaj brenda afatit ligjor të paraparë me paragrafin 4 të nenit 111 të LPP-së.

Edhe përkundër këtij njoftimi dhe sqarimi të OSHP-së për OE “DEINFEKTIMI AD” SHPK Prishtinë, i njëjti OE brenda afatit të paraparë ligjor nuk e ka kompletuar ankesën e tij me tarifën e depozitës së sigurimit të ankesës në fjalë.

- Vlerësimi dhe administrimi i provave –

Nga provat e prezantuara vlerësohet se ankesa e parashtruar nga OE “DEINFEKTIMI AD” SHPK Prishtinë, e datës: 13.01.2023 (protokoll 37/2023), për aktivitetin e prokurimit me titull “Mirëmbajtja Higjienikë e Objekteve të Qendrës së Studenteve” me numër të prokurimit: 1020890500-22-12575-2-1-1, iniciuar nga autoriteti kontraktues (AK) Qendra e Studenteve, konsiderohet si e pa kompletuar sepse ankuesi nuk ka deponuar tarifën e sigurimit të ankesës së tij siç kërkohet në piken 10 paragrafi 1 të nenit 111 të LPP-së, lidhur me nenin 118 të LPP-së, edhe për kundër faktit se i njëjti ishte njoftuar nga OSHP për plotësim të ankesës së tij në pajtim me paragrafin 4 të nenit 111 të LPP-së.

Andaj procedura e shqyrtimit të kësaj ankese përfundon në këtë fazë duke e hedhur të njëjtën ankesë si jo e plotë ngase kjo ankesë nuk plotëson kushtet për tu proceduar më tutje siç kërkohet me dispozitat e LPP-së.

Kryetaria e OSHP-së, duke u bazuar në atë që u tha si më lartë, vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës kompetente në afat prej 30 ditësh nga data e pranimit të këtij vendimi.

Vendimi t'i dorëzohet:

1x1 AK Qendra e Studenteve
1x1 OE "DEINFEKTIMI AD SHPK Prishtinë
1x1 Për publikim në web- faqe të OSHP-së

Kryetaria e OSHP-së

Vjosa Gradinaj Mexhuani

